

S. P. N. Ignatii sociis, creatus Nuntius Apostolicus per Libaniam, ac prae cæteris omnibus a S. Ignatio dignus iudicatus patriarchatu Aethiopiae, ob rarum sapientiam et sanctitatem cum miro candore et simplicitate conjunctam; adeo ut ab eodem Societatis angelus nuncuparetur. Sic enim de eo scribit noster Saechinus, tom. II *Hist. Societ.*, lib. VI, num. 97: « Propria ejus laus dicebatur simplicitas mixta prudentia. Hanc principio complexus, toto vite cursu tenuit. Hanc prædicabat ipse frequenter, et commendari ab omnibus cupiebat; » idque tribus de causis: « Prima, quia materia maxime capax celestium donorum simplicitas est: perennis fons beatæ cordis tranquillitatis, impenetrabile diabolo munimentum, virtutum cæterarum conciliatrix, alitrix et deus. Nam quod in ore formoso est hilaritas, hoc est in virtutibus quasi vultu simplicitas. *Secunda*, quod ipsa sit aliunde benevolentia rapax illicitum. Nihil enim ita blandum et amabile, ut candidum et apertum, et cui te securus credas, ingenium; ut nescius cuiquam nocere, ac cuivis prodesse paratus animus. *Tertia*, quod simplicium congressu et Deus et homines iustitiae delectantur. Denique simplicitas in eum maxime statum reponit humanam sobolem, unde serpentis fratus parentem primum dejecit. » Simplicitatis quoque illustre nuper dedit exemplum Illustrissimus Cardinalis Bellarminus; adeo ut, cum quidam liberius diceret eum non fuisse euectum ad pontificatum, eo quod haberetur simplex, candidè et hilariter responderit: « Felix simplicitas, quæ me tanto onere liberavit! »

47. COLLAUDANTES DEUM. — Notat eos post eubum gratias egisse Deo, eumque de suis alimentis quasi donis collaudasse. Hinc post agapen cæbant Deo hymnos et cantica spiritualia, ut ait Apostolus, *Ephes.* v. 19. Qui rursus, I *Tim.* iv. 4: « Nihil, inquit, rejiciendum, quod cum gratiarum actione percipitur. » Vide ibi dicta.

CAPUT TERTIUM.

SYNOPSIS CAPITIS.

Sanctus Petrus claudo gressum restituit; inde docet populum se hoc miraculum non sua, sed Christi virtute effectisse, ut in eum credant.

2. Petrus autem et Joannes ascendebant in templum ad horam orationis nonam. 2. Et quidam vir, qui erat claudus ex utero matris suæ, bajulabatur: quem ponebant quotidie ad portam templi, quæ dicitur Speciosa, ut peteret eleemosynam ab introentibus in templum. 3. Is cum vidisset Petrum et Joannem incipientes introire in templum, rogabat ut eleemosynam acciperet. 4. Intuens autem in eum Petrus cum Joanne, dixit: Respice in nos. 5. At ille intendebat in eos, sperans se aliquid accepturum ab eis. 6. Petrus autem dixit: Argentum et aurum non est mihi; quod autem habeo, hoc tibi do: In nomine Jesu

ET HABENTES GRATIAM, — id est amabiles, grati et accepti toti plebi. Pro *gratiam*, Syrus vertit *ῥαχάμη*, quod significat visceralem affectionem, et ex infimis visceribus manantem compassionem, amorem et benevolentiam. Porro hanc gratiam et dilectionem populi fidelibus « conciliabat beneficentia eleemosynæ, et morum candor atque simplicitas, » ait S. Chrysostomus; item modestia, mansuetudo, sanctitas in vultu, verbis omnique actione relictis.

DOMINUS AUTEM AUERAT, — *ἀπερτίθη*, id est *auferat* numero cœnigque fidelium, puta Ecclesiam, ut habet Græcus, de quo mox, plures alios « qui salvi fuerunt, » inspirando eis fidem et desiderium baptismi ac Christiana vitæ, quibus iustificarentur, et, si in illis usque ad vitæ finem perseverarent, salvarentur et æternam beatitudinem consequerentur.

IN IURSUM, — id est simul, videlicet in Ecclesia, ut habent Græcus et Syrus. Porro Græcus *ἰνὰ τὸ αὐτὸ*, id est in *idipsum*, rejicit ad initium capitis sequentis. Verum videtur Lucas scripsisse hic *ἰνὰ τὸ αὐτὸ*, quod aliquis explicaverit addens in margine, *ἢ ἰνὰ τὸ αὐτὸ*, id est in Ecclesia; quod deinde ab alio putante hoc ad textum pertinere, in textum translatum est, excluso *ἰνὰ τὸ αὐτὸ* in caput sequens. Sed quocumque modo legas, idem est sensus. In *idipsum* enim idem est quod simul, pariter, puta in Ecclesia, ut dixi. Denique tam exacte S. Lucas hic et insequentibus enarrat virtutes et vitam primorum fidelium, quia ipsa fuit interpretatio Evangelii et praxis doctrinæ Christi, quæ ejus legem nobis ad vivum facit exprimit, ac proinde ipsa nobis viva est lex et norma vitæ Christiana. « In Sanctorum vita cognoscimus quid in Scriptura legere debeamus, » ait S. Gregorius, hom. 10 in *Exech.* Et vice versa Evangelium et « lex scripta est commentarius vite Sanctorum, » ait Philo, lib. *De Abraham.*

Christi Nazareni surge, et ambula. 7. Et apprehensa manu ejus dextera allevavit eum, et protinus consolidata sunt bases ejus et plantæ. 8. Et exiliens stetit, et ambulabat; et introivit cum illis in templum ambulans, et exiliens, et laudans Deum. 9. Et vidit omnis populus eum ambulantiem et laudantem Deum. 10. Cognoscebant autem illum, quod ipse erat qui ad eleemosynam sedebat ad Speciosam portam templi; et impleti sunt stupore et extasi in eo quod configerat illi. 11. Cum teneret autem Petrum et Joannem, incurrit omnis populus ad eos ad porticum quæ appellatur Salomonis, stupentes. 12. Videns autem Petrus, respondit ad populum: Viri Israelitæ, quid miramini in hoc, aut nos quid intuemini, quasi nostra virtute aut potestate fecerimus hunc ambulare? 13. Deus Abraham, et Deus Isaac, et Deus Jacob, Deus Patrum nostrorum, glorificavit Filium suum Jesum, quem vos quidem tradidistis et negastis ante faciem Pilati, judicante illo dimitti. 14. Vos autem sanctum et justum negastis, et petistis virum homicidam donari vobis; 15. auctorem vero vitæ interfecistis, quem Deus suscitavit a mortuis, cujus nos testes sumus. 16. Et in fide nominis ejus hunc, quem vos vidistis et nostis, confirmavit nomen ejus: et fides, quæ per eum est, dedit integram sanitatem istam in conspectu omnium vestrum. 17. Et nunc, fratres, scio quia per ignorantiam fecistis, sicut et principes vestri. 18. Deus autem, quæ prænuuntiavit per os omnium Prophetarum, pati Christum suum, sic implevit. 19. Penitentem igitur, et convertimini, ut deleantur peccata vestra, 20. ut cum venerint tempora refrigerii a conspectu Domini, et miserit eum qui prædicatus est vobis, Jesum Christum, 21. quem oportet quidem celum suscipere usque in tempora restitutionis omnium, quæ locutus est Deus per os sanctorum suorum a sæculo Prophetarum. 22. Moyses quidem dixit: Quoniam Prophetam suscitabit vobis Dominus Deus vester de fratribus vestris, tanquam me, ipsum audietis juxta omnia quæcumque locutus fuerit vobis. 23. Erit autem: omnis anima quæ non audierit Prophetam illum, exterminabitur de plebe. 24. Et omnes Prophetæ a Samuel, et deinceps, qui locuti sunt, annuntiaverunt dies istos. 25. Vos estis filii Prophetarum, et testamenti, quod disposuit Deus ad patres nostros, dicens ad Abraham: Et in semine tuo benedicentur omnes familiæ terræ. 26. Vobis primum Deus suscitans Filium suum, misit eum benedicentem vobis, ut converterat se unusquisque a nequitia sua.

1. PETRUS AUTEM ET JOANNES. — Græcus præfigit *ἰνὰ τὸ αὐτὸ*, id est in *idipsum*, hoc est simul, pariter. Verum hoc pertinet ad finem capitis præcedentis, uti jam dixi: licet Cajetanus, Pagninus, Tigurina et alii referant hoc ad cap. III, *q. d.* Petrus et Joannes ascendebant in templum simul et pariter; vel, ut Cajetanus, sub idem tempus, quo sollicitæ gesta sunt ea quæ audivimus cap. II. Notat S. Chrysostomus combinationem Petri et Joannis, tam hic quam cap. VIII, 14, et Joannis XX, 3, indicem magnæ inter utrumque conjunctionis et amicitie, ut suo exemplo doceant Prælatos et capita congregationum unionem et concordiam. Erant enim hi duo primarii, et quasi duo oculi, non tantum Ecclesie, sed et Apostolorum. Nimirum sequuntur institutum Christi, qui Apostolos binos misit ad evangelizandum, *Math.* vi, 7. Hoc exemplum sequuntur Religiosi, qui nunquam soli, sed semper cum comite, qui vite sit testis et adjutor, incedant; adeo, ut S. Thomas Aquinas Religiosum, qui solus incederet, vocare sit solitus demonem solitarii. Hoc enim inter cætera

ejus apophthegmata recenset Castiglius in ejus Vita.

ASCENDEBANT IN TEMPLUM. — Templum enim situm erat edito loco in monte Sion, ut toti urbi esset conspicuum, ad quod proinde per gradus ascendebatur, in quibus multi censent recitatos fuisse psalmos, qui inde Graduales dicuntur. Templum enim est domus, uti Dei altissimi, ita et orationis, qua colloquimur cum Deo, et ad Deum mente ascendimus. Oratio enim est mentis in Deum elevatio: ita S. Chrysostomus. Porro templum hoc erat atrium laicorum, non Sanctum, multo minus Sanctum sanctorum: in illud enim solis sacerdotibus Aaronicis, in hoc soli pontifici semel in anno patebat ingressus.

Disce hic contra hæreticos, meliorem esse orationem quæ fit in templo quam alibi, idque quinque de causis. *Prima* est, quod oratio in templo sit publica Dei invocatio, laus et adoratio coram tota Ecclesia, ideoque major et honorificentior Deo, quam quæ fit alibi solitaria. *Secunda*, quod in templo quasi in domo sua habitet Deus,

Melior est oratio in templo quam alibi, uti quædam sunt in libro de oratione, ubi etiam dicitur, quod in templo sit publicæ Dei invocatio, laus et adoratio coram tota Ecclesia, ideoque major et honorificentior Deo, quam quæ fit alibi solitaria. *Secunda*, quod in templo quasi in domo sua habitet Deus,

25. VOS ESTE FILII PROPRIETARUM. — « Filii, » scilicet spirituales in hęc et religione, *g. d.* Vos amplectimini et creditis Prophetarum oracula eorumque fidem sequimini, quasi germani eorum in pietate filii. Sicut ergo ipsi in Christum venturum crediderunt eumque prædixerunt, ita et vos in eundem jam natum, passum et resurgentem credite, ne a majorum vestrorum fide et spiritu degeneretis, imo apostatetis.

ET TESTAMENTI. — hoc est. fœderis, pacti et promissionis divina. Nota Hebraismus: filii fœderis vocantur Judæi, ad quos pertinet fœdus a Deo cum Abraham patre eorum initum: Deus enim Abraham et posteris ejus promisit Messiam ejusque benedictionem, id est gratiam, justitiam et salutem, *g. d.* Vos estis filii Abraham, ac consequenter filii fœderis, quod Deus cum Abraham pepigit; ac promissionis, quam ei dedit de Messie redemptione et salute: nunc ergo cum illa per me vobis a Deo ostenditur et offertur, avide et ambabus, ut aiunt, manibus illam excipite. Vos enim sicut estis filii et hæredes Abraham, ita et promissionis illi a Deo factæ. Sic et Christiani vocantur filii novi Testamenti, quia illi ascripti sunt per fidem, et ad illos pertinent Sacramenta, gratia omniaque bona, quæ in novo Testamento Christus Christianis promisit et exhibuit.

IN SEMINE TUO. — In filio tuo, puta in Christo ex semine et posteris tuis nascituro. Ita explicat Apostolus, *Galat. cap. III, vers. 26*, et ipse Petrus dicens *vers. 26*, « suscitans filium suum: » hic ergo est semen benedictum Abraham promissum.

BENEDICENTUR (id est justificabuntur omnemque gratiam et gloriam accipient) OMNES FAMILIE TERRÆ. — puta omnes gentes. Dei enim benedictio est efficax, nec verbalis tantum, uti est hominum; sed realis, quæ bonum quod dicit et imprecatur, reipsa confert et præstat: Dei enim benedicere, est benefacere, non quomodo libet, sed eximie et divine. Hoc enim docet Deum Deique immensam liberalitatem et munificentiam. Magnum enim magna dare decet, ut aiebat Alexander Magnus. De hac Abraham benedictione, vide ea quæ dixi *Genes. cap. XII, vers. 3*.

26. VOBIS PRIMUM. — Primo enim et directe missus est Christus ad Judæos, quasi Messias patribus eorum promissus. Unde ab Apostolo vocatur « minister circumcisionis, » *Rom. XV, 8*, id est circumcisorum, puta Judæorum, quia per se his solis prædicavit.

SUSCITANS. — *ἀναστὰς*, in aoristo, id est cum suscitasset eum. Alludit Petrus ad illud Mosis: « Prophetam suscitabit vobis Deus, » quod citavit *vers. 22*. Jam « suscitans, » id est resuscitans, puta postquam resuscitavit eum a mortuis. Post resurrectionem enim. Christus suam benedictionem, id est Spiritum Sanctum, gratiam et salutem, copiose in Judæos effudit. Resurrectio enim græce vocatur *ἀνάστασις*.

BENEDICENTEM VOBIS. — Quia vobis benedicit,

id est benefaciet, dando flumina gratiarum in hac vita, et glorie in futura, ut in die judicii ab eo audiat: « Venite, benedicti Patris mei, possidete paratum vobis regnum a constitutione mundi. » Ita « qui crucifixus est, suos crucifixores benedixit, » ait S. Chrysostomus.

UT CONVERTAT. — *ἵνα τῷ ἀποστρέψῃ*, quod tripliciter verti potest. *Primo*, conditionate, *g. d.* « Si convertat se quisque et penitentiam egat: » ita Syrus. *Secundo*, assertive, *g. d.* « Dum quemlibet vestrum convertit: » ita Gagneus. *Tertio*, finaliter et optative, *g. d.* Hoc fine misit Deus Christum, ut scilicet vos convertat a peccatis per suam gratiam et justitiam. « Iste est enim omnis fructus, ut auferatur peccatum, » ait Isaias, *cap. XXVII, 9*. Ablatio peccati enim non fit nisi per gratiam, et justitiam et charitatem infusam a Deo. Quocirca remissio peccatorum in Scriptura celebratur quasi summum Dei opus, patrandum a Messia, ejusque proprius finis et effectus; ut a Zacharia: « Jurandum, inquit, quod juravit ad Abraham patrem nostrum, daturum se nobis, ut sine timore de manu inimicorum nostrorum liberati, serviamus illi in sanctitate et justitia coram ipso, omnibus diebus nostris, etc. Ad dandam scientiam salutis plebi ejus, in remissionem peccatorum eorum, » *Lucæ I, 73*. Idem celebrat S. Paulus, in *Ephes. cap. I et II*, et passim alibi.

Quocirca docent Theologi quod remissio peccatorum et justificatio sit majus Dei opus, quam creatio celi et terræ: tum quia peccatum magis distat a Deo, quam nihil ab ente; tum quia nihil ita Deo contrarium et exosum, ac peccatum. Sicut enim peccatum est summum malorum omnium, ita Deus est summum bonorum omnium. Unde et pro peccato Deo satisfieri, ac peccatum ipsum expiari remittique non potuit, nisi per mortem et crucem ipsius unigeniti Filii Dei. Tum quia per gratiam peccata remittentem et justificantem, peccator ex abyso profundissima suorum scelerum elevatur quasi in cœlum empyreum, dum per eam fit non tantum sanctus et amicus Dei, sed et consors divine nature, Dei filius et hæres, quod cœlum majus, sublimius et divinius est, quam cœlum et terra omnique quæ in his creata. Ita disertè S. Augustinus. *tract. 72 in Joannem*, ubi et addit: « Judicet, ait, qui potest, utrum majus sit justos angelos creare, quam impios justificare: certe si æqualis est utrumque potentie, hoc majoris est misericordie. » Et fuse D. Thomas, *I II, Quæst. CXXIII, art. 9*.

Vide hic quantum malum, quamque fugiendum et execrandum sit peccatum; ac ex adverso quanta sit bonitas Dei et Christi, dum nos peccatores ex potestate diaboli, peccati et inferni transfert in regnum gratiæ et dilectionis filii sui, facitque hæredes, imo reges cœli, ut illam merito admirari, gratias agere et celebrare debeamus tota vita, uti fecit S. Paulus, S. Mag-

dalena, S. Pelagia alique penitentes, imo per totam æternitatem, nisi faciunt Beati in cœlo. Quocirca Christus a S. Joanne Baptista hoc elogio, quasi indice toti orbi indicatus et prædicatus est: « Ecce Agnus Dei, ecce qui tollit peccata mundi, » *Joan. I, 29*. Quem secutus S. Joannes Evangelista, passim in Apocalypsi Christum indigat Agnum pro peccatis nostris occisum et immolatum, eumque ut talem a Beatis in cœlo adorari et laudari pronuntiat, ut *cap. V, 6*: « Vidi Agnum stantem tanquam occisum, etc., et viginti quatuor seniores ceciderunt coram Agno, etc., dicentes: Dignus es, Domine, accipere librum, et aperire signacula ejus, quoniam occisus es, et

redemisti nos Deo in sanguine tuo ex omni tribu, et lingua, et populo, et natione, et fecisti nos Deo nostro regnum et sacerdotes, et regnabimus super terram. » Et *cap. VII, 9*; *cap. XIV, 1*; *cap. XV, 3*; *cap. XIX, 7*; *cap. XX, 9 et 22*.

Quare merito hoc eximium Christi donum admirans Michael, oracula sua de Christo ita concludit, *cap. VII, 18*: « Quis Deus similis tui, qui auferis iniquitatem, et transis peccatum reliquiarum hereditatis tue? » Et *mox*: « Revolvatur et miseretur nostri, et projiciet in profundum maris omnia peccata nostra. Dabis veritatem Jacob, misericordiam Abraham, quæ jurasti patribus nostris a diebus antiquis. » Vide ibi dicta.

CAPUT QUARTUM.

SYNOPSIS CAPITIS.

Petrus et Joannes, eo quod prædicant Christum resurrexisse, incarcerationant, atque in concilio vetiti prædicare Christum, constanter respondent oportere magis obedire Deo quam hominibus. Secundo, vers. 23, dimissi et reversi ad suos, laudant et invocant Deum, impetrantque libertatem et robur evangelizandi: in cujus signum terra motu concussus est locus in quo orabant. Denique, vers. 32, narrat Christum fuisse cor unum et animam unam, nullumque inter eos fuisse egentem, sed ex pretio agrorum et domorum, quod singuli afferbant ad pedes Apostolorum, divisum fuisse cuique tantum quantum opus habebat.

1. Loquentibus autem illis ad populum, supervenerunt Sacerdotes et magistratus templi, et Sadducei, 2. dolentes quod docerent populum, et annuntiant in Jesu resurrectionem ex mortuis. 3. Et iniecerunt in eos manus, et posuerunt eos in custodiam in crastinum; erat enim jam vespera. 4. Multi autem eorum qui audierant verbum, crediderunt, et factus est numerus virorum quinque millia. 5. Factum est autem in crastinum, ut congregarentur principes eorum et seniores, et scribæ in Jerusalem; 6. et Annas, princeps Sacerdotum, et Caiphas, et Joannes, et Alexander, et quotquot erant de genere sacerdotali. 7. Et statuentes eos in medio, interrogabant: In qua virtute, aut in quo nomine fecistis hoc vos? 8. Tunc repletus Spiritu Sancto, Petrus dixit ad eos: Principes populi et seniores, audite: 9. Si nos hodie dijudicamur in beneficio hominis infirmi, in quo iste salvus factus est, 10. notum sit omnibus vobis et omni plebi Israel, quia in nomine Domini nostri Jesu Christi Nazareni, quem vos crucifixistis, quem Deus suscitavit a mortuis, in hoc iste astat coram vobis sanus. 11. Ille est lapis qui reprobus est a vobis ædificantibus, qui factus est in caput anguli; 12. et non est in alio aliquo salus. Nunc enim aliud nomen est sub cœlo datum hominibus, in quo oportet nos salvos fieri. 13. Videntes autem Petri constantiam et Joannis, comperto quod homines essent sine litteris, et idiotæ, admirabantur et cognoscebant eos quoniam cum Jesu fuerant: 14. hominem quoque videntes stantem cum eis, qui curatus fuerat, nihil poterant contradicere. 15. Jusserunt autem eos foras extra concilium secedere; et conferebant ad invicem, 16. dicentes: Quid faciemus hominibus istis? quoniam quidem notum signum factum est per eos, omnibus habitantibus Jerusalem manifestum est, et non possumus negare. 17. Sed ne amplius divulgetur in populum, comminemur eis ne ultra loquantur in nomine hoc ulli hominum. 18. Et vocantes eos, denuntiaverunt ne omnino loquerentur neque docerent in nomine Jesu.